

佛說造立形像福報經

傳

開譯人名附東晉譯

佛至拘羅懼國有諸樹園主名拘翼時國王名優填年始十四間佛當來王即勅傍目左右皆志嚴駕王行迎佛遙見世尊心中踊躍極大歡喜止車下步罷却左右傍目侍從及持蓋者即前迎趣便以頭面著地作禮起復前行如是至三佛言來前王復前到以頭面著佛足起遶三匝長跪叉手白佛言天上天下諸天人無及佛者今佛面目身體行步光明巍巍好乃如是我今視佛無有馱極佛是天上天下諸天人民之大師也佛所慈心哀救甚多佛默然不應王復白佛言人作善者此之福祐當何所獲佛去已後我恐不復見佛今欲作佛形像恭敬承事得何福報願佛哀愍為我說之我欲聞知今時佛告年少王汝所問大善諦聽吾說以著心中王即稽首言受教佛告王曰若有作佛形像所得福祐我今悉當為汝說之

王言諾受恩佛言天下人民能作佛形像者其後世世所生之處眼目淨潔面貌端政身體手足常好柔濡生於天上亦復淨潔諸天中勝眼目面貌甚好無比作佛形像其福如是作佛形像所生之處無有諸惡身體具足死後得生第七梵天上復諸天中形貌端政絕好無比為諸天所敬作佛形像其福如是作佛形像後世常生勢尊貴家受其氣力與世絕異在所生處不墮貧家作佛形像其福如是作佛形像後世所生身形殊妙紫磨金色端政無比常為衆人所共敬愛作佛形像其福如是作佛形像後世生處常在富貴之家財產珍寶不可稱數常為父母兄弟宗族之所愛重作佛形像其福如是作佛形像後世若生閻浮提中常生帝王公侯賢善之家作佛形像其福如是作佛形像後世得作帝王特尊勝諸國王當為諸王之所歸仰作佛形像其福如是作佛形像後世得作遮迦越王四天下諸王皆曰屬之作佛形像其福

造立形像福報經 第三卷 佛

如是作佛形像後世得作遮迦越王飛行天上復下自恣在所施為無所不至作佛形像其福如是作佛形像後世生於第七梵天壽一劫餘智慧尊勝無上无能及者作佛形像其福如是於梵天壽盡當復來下生於孝順有道法家作佛形像其福如是作佛形像後所生處常為父母之所愛重壽終復得生於天上作佛形像其福如是作佛形像死後不復墮三惡道當自守意常欲求佛作佛形像後世生處尊重於經意欲常持雜好香華雜好繒綵燈火光明諸天下中名好珍寶奉上佛塔後無數劫會當得佛涅槃之道人有出意持妙珍寶所愛重物奉上佛者非餘凡人皆是前世作佛形像者習菩薩道者作佛形像其福如是作佛形像其福無量無窮盡時不可稱數如是四天下江河海水尚可升量作佛形像其福甚多四天下江河海水過出十倍後世所生常護佛道作佛形像譬如天雨人有好舍無所憂畏作佛形像死後不

造立形像福報經 第三卷 佛

復入於地獄畜生餓鬼諸惡道中其有
衆生見佛形像生恭敬心以手自歸
佛塔舍利者死後百劫不復入於地
獄畜生餓鬼道中死即生天天上壽
終復生世間勢富之家如是受福不
可稱數會當得佛涅槃之道佛告優
填王人作善者作佛形像其福祐功
德如是終不唐苦尔時優填王以偈
讚佛

佛者大聖人為衆生說法拘深瞿師園
優填叉手問聞梵音審諦不動百福成
作佛形像者得何等福報
尔時世尊說偈答曰

王諦聽吾說福地恢上土福德无過者
作佛形像報恒生大富家尊貴無極珍
眷屬常恭敬作佛形像報世世身无患
常得天眼報無比紺青色作佛形像報
父母見歡忻端政威德重愛樂終无厭
作佛形像報金色身發光猶妙師子像
衆生見歡喜作佛形像報閻浮提大姓
刹利婆羅門福人於中生作佛形像報
不生邊地國不盲不醜陋六情常完具
作佛形像報臨終識宿命見佛在其前

造立形像福報經 第四品 佛

不覺死時苦作佛形像報作大名聞王
金輪飛行帝典主四天下作佛形像報
作釋天名因神足典第二三十三天奉
作佛形像報此過出欲界作梵梵天王
迦夷衆梵恭作佛形像報受福正如是
若能刻畫作天地尚可稱此福不可量
是故供養佛華香香汁塗供養大士者
得漏盡无為

佛說經竟王大歡喜即起前以頭面
著佛足而起比丘比丘丘優婆塞優
婆夷及其五百傍目左右皆起歡喜
為佛作礼後皆往生阿弥陀佛國作
大菩薩取尊第一優填王聞其所說
歡喜受解即得須陀洹道

佛說造立形像福報經

已亥歲高麗國大藏都監奉
勅雕造

造立形像福報經 第五卷

佛說造立形像福報經

校勘記

- 一 底本，麗藏本。
- 一 三四〇頁上二行譯者，資作「失譯附東晉錄」；磧、晉、南、徑、清作「失譯師名附東晉錄」。
- 一 三四〇頁上三行第五字「懼」，資、磧、晉、南、徑、清作「瞿」。
- 一 三四〇頁上三行第一一字「主」，磧、晉、南、徑、清作「王」。
- 一 三四〇頁上一四行第一二字「也」，資、磧、晉、南、徑、清無。
- 一 三四〇頁上一九行「年少」，資、磧、晉、南、徑、清作「少年」。
- 一 三四〇頁中三行第一三字「濡」，資、磧、晉、南、徑、清作「軟」。
- 一 三四〇頁中七行第一一字「復」，資、磧、晉、南、徑、清作「復於」。
- 一 三四〇頁中一五行第五字「在」，資、磧、晉、南、徑、清作「生」。
- 一 三四〇頁下六行「來下」，資、磧、

一 普、南、徑、清作「下来」。

一 三四〇頁下一五行第一〇字「妙」，

資、磧、普、南、徑、清作「好」。

一 三四〇頁下二二行第三字「護」，

磧、徑、清作「求」。

一 三四一頁上一四行第一〇字「土」，

資、磧、普、南、徑、清作「士」。

一 三四一頁上一七行第五字「報」，

資、磧、普、南、徑、清作「視」。

一 三四一頁上一九行第一二字「妙」，

資、磧、普、南、徑、清作「如」。

一 三四一頁中一行「時苦」，資、磧、

普、南作「苦時」。